

SULIT

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KELIMA,
PARLIMEN KETIGA BELAS**

PERTANYAAN : LISAN

**DARIPADA : TUAN MANIVANAN A/L GOWINDASAMY
[KAPAR – PKR]**

TARIKH : 6 APRIL 2017 (KHAMIS)

SOALAN NO. 22

Minta **MENTERI BELIA DAN SUKAN** menyatakan status terkini persediaan negara untuk Sukan SEA 2017 dan jumlah kos yang terlibat. Senaraikan bilangan pingat dan kategori/bidang sukan yang disasarkan oleh Kerajaan dalam temasya Sukan SEA 2017; dan

SULIT

JAWAPAN

Yang di-Pertua,

1. Dari segi persediaan atlet, Kementerian Belia dan Sukan (KBS) melalui Majlis Sukan Negara (MSN) telah pun melaksanakan **Program KITA JUARA** bermula pada bulan September 2015 lalu iaitu program persediaan atlet ke arah temasya Sukan SEA Kuala Lumpur 2017. Program KITA JUARA ini dilaksanakan melalui kaedah “empowerment” kepada **Persatuan Sukan Kebangsaan** serta mewujudkan sebuah Jawatankuasa Kerja MSN-PSK bagi setiap jenis sukan sebagai kaedah pemantauan program. Program ini juga akan melalui 3 fasa latihan iaitu **Fasa Pertama** bermula September 2015 sehingga September 2016, **Fasa Kedua** bermula dari Oktober 2016 sehingga Mac 2017 dan **Fasa Ketiga** baru sahaja bermula dari April sehingga Ogos 2017. Sehingga kini, Program KITA JUARA mempunyai seramai **874 atlet dan 133 jurulatih** dari 38 jenis sukan.
2. Dalam usaha untuk dinobatkan sebagai juara keseluruhan temasya Sukan SEA Kuala Lumpur 2017, kontinjen negara perlu memenangi sekurang-kurangnya 100 pingat emas dari 405 pingat emas yang akan dipertandingkan untuk mengatasi pungutan pingat emas dikalangan negara-negara terkuat Asia Tenggara seperti Thailand, Vietnam, Indonesia dan Singapura.

Sekian, terima kasih.

SOALAN (23)

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

**TARIKH : 6 APRIL 2017
[KHAMIS]**

**DARIPADA : YB. DATUK WEE JECK SENG
[TANJONG PIAI]**

SOALAN :-

YB. Datuk Wee Jeck Seng [Tanjong Piai] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan apakah perkembangan terkini dalam usaha Kementerian untuk mewujudkan bekalan bank tanah Kerajaan bagi untuk pembangunan rumah mampu milik dan menyemak semula Akta 318 bagi membolehkan Kementerian mengambil tanah lot yang telah terbengkalai untuk pembangunan semula.

JAWAPAN :-

Tuan Yang di-Pertua,

Untuk makluman Ahli Yang Berhormat, permohonan Kementerian Kesejahteraan Bandar, Perumahan dan Kerajaan Tempatan (KPKT) untuk mendapatkan peruntukan khas bagi mewujudkan bank tanah Kerajaan untuk pembangunan Rumah Mampu Milik tidak diluluskan di dalam Rolling Plan - 2 (RP-2). Namun begitu bagi meneruskan perancangan Kementerian dalam pembangunan Rumah Mampu Milik (RMM), Kementerian telah merangka strategi lain iaitu *Affordable Urban Homes* yang merupakan inisiatif baharu melalui kerjasama secara Strategi Lautan Biru Kebangsaan (NBOS) bersama pihak pemaju swasta bagi penyediaan perumahan mampu milik tanpa penyediaan tanah atau peruntukan pembangunan oleh Kerajaan. Inisiatif baharu ini telah dibentangkan dalam Mesyuarat Majlis Ekonomi pada 20 Februari 2017 dan akan diumumkan selepas mendapat kelulusan Jemaah Menteri.

Berhubung dengan semakan semula Akta 318 bagi membolehkan Kementerian mengambil tanah lot yang telah terbengkalai untuk pembangunan semula adalah di bawah bidang kuasa Kementerian Sumber Asli dan Alam Sekitar (Jabatan Ketua Pengarah Tanah dan Galian Persekutuan).

Kementerian Kesejahteraan Bandar,
Perumahan dan Kerajaan Tempatan

April 2017